

1695

*F. D. F.*  
ΧΡΕΙΟΛΟΓΙΑC  
**SALOMONEÆ**

*Specimen I.*

in  
**GYMNASIO FREIBERGENSEI**

à  
*Quibusdam supremæ Classis Alumnis*

d. 29. Aug. 1695.

*exhibitum*


moderante

**M. TOBIA Siebe/ RECT:**

**Literis BECKERIANIS.**

*[Faint, illegible text visible through the paper, likely bleed-through from the reverse side.]*

## I. N. J.


 Vantâ lætitiâ Præceptores suos perfundant discipuli, qui indies recta discendo procedunt longiùs; ejus rei insigne documentum dedit, omnis sapientiæ Phœnix Salomon, Davidis Jefsæi Herois filius. Vix illum Parens optimus commodis moribus literisque imbuendum a teneris Nathani Prophetæ tradiderat, cum Præceptorem, suum ille impleret spe certissima, se haud degenerem, sed filium Deo dilectissimum Regniqve Israëlitici heredem fore felicissimum. Enimvero ex ipsis sacrarum literarum Pandectis constat liquido, quantopere de tam felicitis ingenii discipulo Nathan gratulatus sibi fuerit, cum novo eum nomine JEDIDIA appellaret, II. Samuel. XII, v. 24. De cujus appellationis ratione nonnulla ex Philologiæ sacræ adytis jam delibare tantò minus nos pigebit, quantò magis Præceptorum omnium unum votum est, ut disciplinæ suæ alumni pulcherrimum JEDIDIAE NOMEN reapse impleant. Atqve initio quidem non paucos invenias, qui hujus nominis Autorem non Nathanem fuisse volunt, sed vel ipsum Deum, qui ad nomen hoc Salomoni imponendum usus sit manu, i. e. ministerio Prophetæ, ut eodem die, quo vocatus est Salomon, simul etiam vocaretur Jedidja, quæ sententia est Joh. de Pineda de rebus Salom. Lib. I. c. 16. n. 2. p. 64. vel Davidem, qui, ut Vatablus in Not. ad h. l. interpretatur, ex se & sua sponte filium suum Salomonem hoc altero nomine vocaverit. Sed quid attinet, verbum נִקְרָא & vocavit, ad remotiora Subjecta referre, quum magis cum textu cohærere videatur, si Nathanem Prophetam hujus nominis Authorem fuisse existimemus. Facit huc versio B. Lutheri, qui versum 25. l. c. ita reddidit, und er ( David ) that ihn unter die Hand Nathan des Propheten / der hieß ihn Jedidja / um des Herren willen Ita vertit etiam Joh. Dietenberger & Biblia Batava: Die hiet hem Jedidja. Quin potius istius nominis significationem consideremus ponderosissimam. Satis planū enim est, id non significare, *segregatum ad regnum*, sicut Symmachus reddidit, cum



neque

neque ידד, unde Forsterus; neque ידד, unde Buxtorfius nomen  
 Jedidja derivat, segregandi significationem usquam habeat;  
 sed compositum esse ex ידד dilectus, & nomine Dei יהוה, ut  
 adeo idem sit, ac dilectus Domini, der Geliebte des Herrn / vel,  
 ut B. Luth. in Glossa marginali interpretatus est, lieblich dem  
 Herren. Non abluunt reliquæ versiones. e. g. Hie-  
 ronymi, *amabilis Domino*; Junii & Tremellii, *amatus Deo*; Hi-  
 spanica: *Amable à Jehova*; Italica: *amabile dal signore*. Exactis-  
 simè omnium ei in vernacula nostra respondet nomen Gott-  
 lieb vel Christlieb. Neque tamen temere hoc nominis ei Na-  
 than imposuit, sed בעבור יהוה i. e. *propter Dominum*. Ex qui-  
 bus verbis interpretes colligunt, Salomonem Jedidja appella-  
 ri, vel propter ea, quæ Dominus de eo Prophetæ prædixerat;  
 (uti Tossanus interpretatur in *Notis Marginalibus*) vel propter amo-  
 rem, quo eum Dominus v. 24. l. c. complexus dicitur; vel  
 propter Jehovam h. e. (explicante Tremellio in h. l.) *propter*  
*Christum Jehovam ὁμοσπικρον ἡμῶν συναϊδου Patri & Spiritui S. quæ in*  
*Christo Sebelomo & Deo gratus fuit, & typum exhibuit regni æterni*  
*ejus*. Sed media illa interpretatio de amore Domini, ortho-  
 doxæ Ecclesiæ Argentoratensis Præsuli maxime Venerabili  
 D. Sebast. Schmidio in Comment. ad h. l. p. 543. videtur simpli-  
 cior, quæ non minus admittat typum. Nam Deus ita dile-  
 xit Salomonem, ut tanquam typo communicaret ipsi nomen  
 magni illius Jedidja, Messia, Deo dilectissimi Matth. XII, 18.  
 42. in quo omnes credentes Deus ἐχάρησαν i. e. gratos reddidit.  
 Eph. I, 6. Quis neget autem, hanc ipsam Jedidja appellationem  
 ei quoque expressisse spem optimam, quam ex Salomonis erecta  
 indole & discendi æquè ac morem gerendi studio conceperat.  
 Audiamus hinc D. Paul. Laurentium Dresdensis Ecclesiæ  
 quondam Antistitem & Protosynedrii Electoralis Assessorem  
 gravissimum, qui in concionibus suis super Libb. Samuel. de  
 nomine Jedidja præter alia in hunc modum eruditè differit:  
 Es darf Nathan nicht über ihn seufzen / ihm nicht klagen / er darf  
 nicht klagen / daß er sich über anlasse / daß er ihn dem Cain / Saul  
 und andern bösen Kindern vergleichen dürffe; sondern gutes  
 omini-

ominiret er von ihm / und will sagen: Ey das ist recht / wenn man sich also anlasset / du wirst doch ein gewünschter Regent dermahls eins werden / du bist ein feiner JEDIDIA; Gott und Menschen haben an solchen Kindern einen Gefallen. Cæterum quæ Joh. de Pineda l. c. de præstantia hujus nominis disputat, quòd multo speciosius & honorificentius sit nomine Salomonis, (unde enim, inquit, pax Salomonica, stabilitatem, felicitatem, & bonorum omnium copiam & affluentiam habere potuit, quàm ex divina benevolentia & dilectione?) illa eruditi lectoris judicio discutienda relinquimus. Neque chartæ angustia iis immorari diutius nobis permittit. Quæ verò de nomine *Jedidja* hic paucissimis commentati sumus, ea animis vestris, *lectissimi ingenii juvenes*, inscripta volumus, ut in hoc laboretis sedulo, in studiis vestris ut sitis *Jedidja*, i. e. *dilecti Domino*. Vos id divina obstetricante gratiâ facturos, non incertam nobis spem facit labor vester, quem exercendi styli gratiâ elaborandis *Chris ex Salomonis nostri παναρέτω* impendere constituistis. In procinctu igitur estote ad diem Deo dante, crastinum, & *Chrias Salomoneas* à vobis elaboratas prompta quidem ex memoria vestra, sed hoc ordine exponite:

1. Christian Gottlieb Büttner / *Fryrutha Variscus*.  
De timore Domini, Prov. c. 1. v. 3. Valedicturus.
2. Johann Gottfried Schneider *Oëls, Varisc.*  
De liberorum obedientia, Prov. c. 1. v. 8.
3. Johann George Seidel / *Schlett, Misn.*  
De improborum Societate, Prov. 1, v. 10.
4. George Müller / *Schönbrunn à Misn.*  
De Sapientiæ autore, Prov. c. 2. v. 6.
5. Christoph Dieze / *Grimm à Misn.*  
De *δοκησιονφία*, Prov. c. 3, 7.
6. Noah Gottfried Hunger / *Waldheim, Misn.*  
De beneficentia, Prov. c. 3, v. 9.
7. Christian Clausniger / *Frauenstein, Misn.*  
De fraudulentia, Prov. 3, v. 29.
8. Johann Michael Hubelt / *Freibergens, Misn.*  
De *φιλονεκία*, Prov. c. 3, v. 30.

**FAXIT DEUS FELICITER!**

2009 8 003271 -